

Wildtuin 21 Maart 2020



Ons plek was bespreek 'n jaar voor die tyd. Die boodskappe op die Wildtuin groep het behoorlik gegons. Gaan ons of gaan ons nie. Besluit is geneem. "ons ry 21 Maart 2020". Verrek vanaf The Rose op die N4. Kry julle daar. Ons vertrek 5h00 Saterdagoggend. "Sien julle daar"

Gepak en gehak, so vertrek 'n paar vriende saam na die Kruger Nasionale Park. Alles was mooi in plek vir ons besoek. Gestop by Middelburg Shell Ultra City om 2 van ons vriende daar te kry. Tyd was goed beplan. Verkeer was normal op die N4. Baie mense wat met vakansie gaan. Gou gestop vir 'n heerlike ontbyt by Millys. Nou die laaste stukkie tot voor Nelspruit waar ons nog 1 gesin kry.




Nou is ons amper voltallig. Een van ons vriende kry ons by Malelane Hek. Almal bewus van die Virus. 'Sanitiser' heeltyd byderhand.

Aangekom by Malelane Hek, tot ons verbasing staan daar 'n hele komp gaste in die ry om in die Park in te gaan. Dit het nie te lank geneem om die nodige papierwerk te voltooi nie. So beland ons in Berg-en-Dal waar ons 2 nagte sou oorby. Groot was ons verbassing om die kamp so vol te sien. Gedink dit gaan stil en leeg wees met die buitelandse besoekers wat nie daar is nie, maar nee, daar was so baie SA Burgers in die kamp. 2 dae het vining verbygegaan. Dit was baie warm en van koelte was daar min. Ons het die swembad gaan besoek om bietjie af te koel.



So slaan ons kamp op in die son.






Die nuus kom toe mos deur dat die Minister die mense van SA gaan "lockdown" angstig is daar gewag op sy toespraak die volgende dag (22 Maart) maar niks gebeur. Oral op sosiale media gons dit oor hoe, waar, wat en wanneer. Ons was nogal baie onseker oor wat gaan gebeur.

23 Maart 2020


So vertrek ons toe na Skukuza vir die volgende paar dae.



Wat toe ook nie volle 3 dae sou wees nie. Die Minister spreek toe die nasie toe die aand van die 23ste Maart 2020. Nou hoor ons dat dinge aan die gang is rondom die Covid-19 virus. Altyd gedink dat ons veilig sou wees so ver van die beskawing, maar min wetende dat die Park binne die volgende dag of 2 sou toemaak. Ons besluit toe maar om die laaste dag te gaan rondry Vir ouslaas voor ons huiswaarts keer, saam te gaan ontbyt eet by Onder Sabie.



Na ontbyt wou ons nog bietjie gaan rondry en wild soek, maar toe begin dit kriewel in almal. Moet ons ry of moet ons bly. Aangekom by Skukuza ontvangs, gaan hoor ek toe wat gaande is. Dit was nie goeie nuus nie. Ons moes uit voor Donderdagoggend 11uur. Glo my die hartseer was oral te sien. Van ons het sommer al Dinsdagoggend gery. Ander het Dinsdagmiddag gery. Ons het uitmekaar geskeur. Dit was nie hoe ons dit beplan het nie. Maar ons moes toe maar berus by die besluite van die Regering.



Sons opkoms

Die pad na die Hek was stil.
Amper geen voertuig. So asof die
natuur weet wat wag.



Woensdagoggend 5h30 vertrek ons laaste 4 waens toe so stil stil uit die Park. Die gemoedere was hoog. Maar daar is darem goeie nuus, terug gaan sal ons terug gaan. Al is dit net vir 5 dae.

Dankie aan elke vriend en nuwe vriende wat gemaak is in hierdie paar dae. Dit was onvegeetlik. Ons sal weer gaan as die tyd reg is.

Rudi en Magda Britz

Mense wat ons vergesel het:

Roché en Mariehette Prinsloo (Privaat), Billy, Lizelle, Bernadene, Cheyenne en Kyra Ross (Mooifontein). Culus Dreyer (Mooifontein) Chris en Nellie (Rietvallei), Frans en Stefanie (Rietvallei) Rudo, Marusckha, Realdo en Meyerine (Scholtz familie)